



UNIVERSITÄTS-
BIBLIOTHEK
PADERBORN

S. Odilo Abbas. Cura defunctorum

[Köln], [1654]

SS. Gervas. & Protas. MM. Devotio erga Sanctos Martyres.

[urn:nbn:de:hbz:466:1-71907](https://nbn-resolving.org/urn:nbn:de:hbz:466:1-71907)



SS. GERVAS. & PROTAS. MM.

Devotio erga Sanctos Martyres.

Deus, qui B. Ambrosium cum populo suo, SS. GERVASII atq; PROTASII mirabili inventione lætificasti, concede nobis, ipsorum ac ceterorum Martyrum tuorum passiones gloriosas commemorando, imitari virtutes.

Ora pro Italicis Provinciis,

13

Novam Mediolani Basilicam anno 385
 dedicaturus S. Ambrosius; cum eam
 cuperet venerabiliorem reddere Sancto-
 rum illuc inferendis Reliquiis, tales ante
 cancellos SS. Naboris & Felicis latere, ar-
 cano quodam instinctu didicit. Jussâ ergo
 ibidem eruderari terrâ, post convenientia
 quædam signa, invenit duos miræ magnitu-
 dinis viros, ut prisca ferebat ætas (ita ipse,
 forori Marcellinæ scribens) omnia scilicet
 ossa integra, & sanguinis plurimum. Verè
 Sanctorum ea esse, mox docuere miracula;
 & certius ceteris, illuminatus in eorum
 translatione cæcus; sicut ipsemet sanctus
 Doctor, Sanctiq; Augustinus & Paulinus
 asserunt, oculati testes, Nomina esse GER-
 VASIVS & PROTASIVS, seniores quidam ex
 civibus persuasere, memores hujusmodi ti-
 tulum istic loci olim à se lectum. Ingenti
 lætitia celebrata est eorundem sub altari
 depositio 19 Junii, tertio ab inventione
 die; utque ea latius una cum cultu ipsorum
 sese deffunderet, haud gravate concessit
 Ambrosius Episcopis aliis, cis- & transalpi-
 nis, aliquid de Reliquiis & Sanguine, ad
 quæ complura patrata miracula.

*Ecce quomodo computati sunt inter filios
 Dei, & inter Sanctos fors illorum est. Sap. 5.*